

U skladu sa Poslovnikom o radu Savjetodavnog odbora Treće gimnazije Sarajevo, te saglasnosti Direktorice Treće gimnazije u Sarajevu, Savjetodavni odbor, dana 16.02.2026. godine raspisuje:

JAVNI POZIV

za izbor do 20 (dvadeset) učenika za učešće u Međunarodnom programu razmjene učenika "Miraiba" sa školom Kaichi Nihonbashi Gauken iz Tokija, Japan.

I. PREDMET JAVNOG POZIVA

Predmet Javnog poziva je izbor do 20 (dvadeset) učenika Treće gimnazije Sarajevo za učešće u međunarodnom programu razmjene učenika "Miraiba" sa školom iz Japana.

Učenici će učestvovati u pomenutom Programu razmjene kao gosti učenicima u Japanu, te biti domaćini učenicima iz škole Kaichi Nihonbashi Gauken iz Tokija, Japan.

Molimo Vas da prilikom prijave na Javni poziv uzmete u obzir da je planirani termin dolaska učenika iz Japana 26.07. – 05.08.2026. godine, a planirani termin odlaska učenika izabраниh na Javnom pozivu u Japan je 18.08. – 27.08.2026. godine.

Izbor učenika će se vršiti u skladu sa posebnim kriterijima koji uključuju uspjeh, vladanje, poznavanje engleskog jezika (utvrdit će se testiranjem), motivaciono pismo (utvrdit će se testiranjem, a tematska oblast će biti vezana za odnos Bosne i Hercegovine i Japana) i intervju. Po potrebi Savjetodavni odbor može definisati i dodatne kriterije za izbor učenika koji će učestvovati u Programu o čemu će učesnici na Javnom pozivu biti blagovremeno obavješteni.

Bodovanja su raspoređena kako slijedi (maksimalan mogući broj bodova je 100):

PRVA FAZA SELEKCIJE

1. Uspjeh u prvom polugodištu – do 10 bodova (prosječna ocjena zaokružena na dvije decimale pomnožena sa 2),
2. Testiranje znanja engleskog jezika – od 0 do 20 bodova,
3. Ocjena motivacionog pisma – od 0 do 20 bodova.

DRUGA FAZA SELEKCIJE (35 najbolje rangiranih iz prve faze)

1. Intervju – razgovor sa Komisijom (o motivima prijave, prethodnom iskustvu, volonterizmu, takmičenjima, vannastavnim aktivnostima, izvrsnosti, Bosni i Hercegovini, Japanu...) – od 0 do 50 bodova.

II. SVRHA I CILJ PROGRAMA

Svrha Programa je unaprijeđenje međunarodne saradnje Treće gimnazije i vidljivost škole na međunarodnom nivou.

Također, Program ima za cilj da pomogne učenicima u vlastitoj nadogradnji kao i da omogući učenicima

razmjenu znanja i iskustava sa učenicima u drugim dijelovima svijeta.

Osnovni cilj koji se kroz provedbu Programa je omogućiti da do maksimalno 20 (dvadeset) učenika Treće gimnazije svake godine ugosti učenike iz Japana, ali i da isti posjete Japan i upoznaju se sa njihovom kulturom, tradicijom, obrazovnim sistemom i industrijom.

III. PRAVO NA PRIJAVU

Pod uvjetima utvrđenim ovim Javnim pozivom pravo na prijavu ostvaruju učenici I (prvog) razreda Treće gimnazije u Sarajevu u školskoj 2025/2026. godini.

Nema ograničenja po pitanju broja prijava po odjeljenju.

IV. TEMELJNI PREDUSLOVI ZA IZBOR UČENIKA

Potpisana izjava od strane oba roditelja/staratelja o saglasnosti za finansiranje troškova učešća učenika u Programu (primjer izjave u prilogu Javnog poziva).

Primjerno vladanje učenika u toku dosadašnjeg školovanja u Trećoj gimnaziji Sarajevo.

V. OPĆI I POSEBNI KRITERIJI ZA IZBOR

Učenici trebaju ispunjavati sljedeće opće i posebne kriterije:

- a) učenik I (prvog) razreda Treće gimnazije Sarajevo,
- b) primjerno vladanje,
- c) uspjeh u učenju,
- d) poznavanje Engleskog jezika,
- e) motivaciono pismo,
- f) intervju – razgovor.

Provjera ispunjenosti općih kriterija pod tačkama a), b) i c) vršit će se uvidom u odgovarajuće uvjerenje izdato od strane Treće gimnazije Sarajevo (Komisija će pribaviti službenim putem), a pod tačkom d), e) i f) odgovarajućim testiranjima u prostorijama Škole.

VI. POTREBNA DOKUMENTACIJA

Prilikom prijave na ovaj Javni poziv potrebno je da svi podnositelji prijave prilože sljedeću opću dokumentaciju:

1. Popunjen ONLINE Prijavni obrazac koji je sastavni dio ovoga Javnog poziva. Sastavni dio Prijavnog obrasca predstavlja i izjava oba roditelja/staratelja u kojoj pod punom, moralnom, kaznenom i materijalnom odgovornošću izjavljuje da će snositi troškove učešća učenika u Programu u skladu sa Javnim pozivom raspisanim od strane Treće gimnazije Sarajevo (Dostavljaju kandidati prije pristupanja drugoj fazi selekcije u pisanoj formi).
2. Uvjerenje o uspjehu na polugodištu izdato od strane Treće gimnazije u Sarajevu (Pribavlja Komisija službenim putem).

3. Link sa portfoliom dostaviti na e-mail adresu: alumni@treca-gimnazija.edu.ba ili putem prijavnog obrazca, koji je naveden u nastavku.

Prilikom prijave na ovaj Javni poziv potrebno je obratiti pažnju na sljedeće:

4. Ukoliko nije drugačije naznačeno ovim Javnim pozivom, sva navedena dokumentacija treba biti ne starija od šest mjeseci u originalu ili ovjerenoj kopiji.

VII. POSTUPAK PODNOŠENJA PRIJAVE NA JAVNI POZIV

U roku i na način koji su definirani ovim Javnim pozivom, prijave se podnose ONLINE putem obrasca na linku: Prijava za učešće u projektu "Miraiba" – ispuni obrazac ili putem QR koda:



Prilikom popunjavanja obrasca voditi računa da su podaci koji se unose tačni. Za svaku prijavu za koju se utvrdi neslaganje prijavljenog stanja sa stvarnim stanjem rezultirat će diskvalifikacijom kandidata iz dalje procedure.

Neće se zaprimati prijave podnosioca koji ne pohađa Treću gimnaziju Sarajevo. Svaka podnesena prijava će se uredno evidentirati. Nije dozvoljeno ponavljanje prijava.

VIII. POSTUPAK RAZMATRANJA PRIJAVA

Postupak provjere i kreiranja preliminarne liste u svakoj fazi ovog Javnog poziva provodi Savjetodavni odbor

Učenici koji ne budu uvršteni na preliminarnu listu imaju pravo na prigovor. Razdoblje u kojemu će se moći podnositi prigovori je 5 (pet) radnih dana od dana kreiranja preliminarne liste.

Nakon provjere ispunjavanja općih i formalnih uslova Javnog poziva, Savjetodavni odbor će pozvati pismenim putem i/ili email-om i/ili telefonski učenike koji su uvršteni na preliminarnu listu da pristupe testiranju znanja engleskog jezika i pisanju motivacionog pisma. Nakon testiranja znanja engleskog jezika i motivacionog pisma sačinjit će se konačna rang lista učenika koji su prošli prvu fazu testiranja. Nakon obavljenog intervjua sačinjit će se konačna rang lista učenika koji su izabrani za učešće u Međunarodnom programu razmjene učenika "Miraiba". Na konačnu rang listu podnosi se prigovor Savjetodavnom odboru Treće gimnazije Sarajevo.

IX. NAČIN OBJAVE I ROK ZA PODNOŠENJE PRIJAVA

Integralni tekst ovog Javnog poziva biće objavljen na službenoj web stranici Treće gimnazije Sarajevo. Rok za podnošenje prijava po ovom Javnom pozivu teče od 18.02.2026. godine, pa do zaključno sa 26.02.2026. godine.

Pisanje motivacionog pisma je zakazano za 27.02.2026. godine u 10.30 sati u prostorijama Škole.

Testiranje iz Engleskog jezika je zakazano za 27.02.2026. godine u 13.00 sati u prostorijama Škole.

Termini za Intervju-razgovor će biti posebno oglašeni nakon završetka prve faze selekcije.

Učenik koji ne pristupi nekoj od faza selekcije pobrojanih iznad isključuje se iz dalje procedure.

X. UTVRĐIVANJE KONAČNIH LISTI

Konačne liste po osnovu ovoga Javnog poziva utvrđuje Savjetodavni odbor na svojoj sjednici nakon žalbenog roka i iste objavljuje na web stranici Treće gimnazije Sarajevo.